

BEIEN DEIZTEAZ.



Aski usu edo aski andanaz deitzen ote dituzte beiak Eskual-errian, eta kentzen ote diote aldika arrunt esne guzia?

Gure ustez segurik ez.

Bizkitartean frogatua da irur andanaz deitzia den bei batek emaiten duela bietan deitzia den batek baino geiago esne. Bertzalde irur andanaz kendua den esne bat bi aldiz kendua dena baino gizenago da. Esnearen kanalak enatzen eta bolondrosten dira ardura deiztearekin.

Bear da argatik arta izan irur deitz aldiez espazio beraren uzteko eta ortakotz artu tenore fisatuak deitzaldien egiteko. Deitz aldi batetarik bertzera sobera denbora egoiten balin bada, beiaren errapia betatzen da eta ura ustu artio etzaio beiari esne berririk formatzen.

Ori da oraino bertze arrazoin bat beiaren azken chortaraino deizteko; ezen, berriz ere erran dezagun, ez da beiaren errapian esne berririk formatzen, errape eta diti eietan den utsaren arabera baizik.

Bertzalde oraino esnerik oberena eta gizenena, azkenik ateratzen dena da.

Gure adichkide laborari maiteak, gauza orri seriocki pentsa zazue eta segur ez zauzue dolutuko.

